

Ո Ր Ո Շ ՈՒ Մ թիվ-181
վարչական տույժ նշանակելու մասին

«28» հունիսի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Արման Ավետիսյանի վերաբերյալ նյութերը.

Պ Ա Ր Զ Ե Ց Ի

2020 թվականի դեկտեմբերի 19-ին Արման Ավետիսյանի անունով, թիվ 05100033/191220/0049150 տարանցման հայտարարագրով Վրաստանից ՀՀ ներմուծված 1920 կգ համաքաշով հավի ճտերը համաձայն ՀՀ ՊԵԿ 05/8-4/81303-2020թ. գրությամբ ժամանակավոր պահպանման իրականացման համար ի պահ է հանձնվել Արման Ավետիսյանին Արմավիրի մարզ, գ.Արտիմետ հասցեում: 2021 թվականի մայիսի 10-ին տեսազննման է ենթարկվել հավի ճտերի ժամանակավոր պահպանման վայրը, ինչի արդյունքում պարզվել է, որ հավի ճտերը նշված տարածքում չեն:

Փաստի առթիվ Արման Ավետիսյանի նկատմամբ ՀՀ մաքսային օրենսգրքի 198-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

Վարչական վարույթի շրջանակներում Արման Ավետիսյանը բացատրություն է տվել այն մասին, որ ներմուծել է 2000 հատ հավի ճուտ, սակայն առողջական խնդիրների պատճառով չի կարողացել խնամել թռչուններին, ցուրտ եղանակային պայմանների պատճառով մոտ 600 հատը սատկել է, իսկ մնացածը հանձնել է այլ անձի:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ «մաքսային հսկողություն»՝ մաքսային մարմինների կողմից կատարվող գործողությունների ամբողջություն, որոնք ուղղված են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման ստուգմանը և (կամ) ապահովմանը:

ԵԱՏՄ մաքսային օրենսգրքի մասին պայմանագրի 14-րդ հոդվածի 1-ին կետի համաձայն՝ միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ:

ԵԱՏՄ մաքսային օրենսգրքի մասին պայմանագրի 14-րդ հոդվածի 7-րդ կետի 1-ին ենթակետի համաձայն՝ նշված հոդվածի 1-ին և 3-րդ կետերում նշված ապրանքները, որոնք չեն ճանաչվել որպես Միության ապրանքներ՝ գտնվում են մաքսային հսկողության տակ մինչև ԵԱՏՄ Օրենսգրքին համապատասխան՝ Միության ապրանքների կարգավիճակ ստանալը՝ բացառությամբ նշված հոդվածի 12-րդ կետով նախատեսված դեպքի:

ԵԱՏՄ մաքսային օրենսգրքի 98-րդ հոդվածի 7-րդ կետի համաձայն՝ այն անձինք, որոնք ունեն լիազորություններ ժամանակավոր պահպանման հանձնված ապրանքների նկատմամբ, իրավունք չունեն օգտագործելու այդ ապրանքները, այդ թվում՝ դրանք ժամանակավոր պահպանման վայրի տարածքից մինչև դրանց բացթողումն արտահանելու, իսկ եթե օտարերկրյա ապրանքները գտնվում են ժամանակավոր պահպանման տակ Միության մաքսային սահմանով ապրանքների տեղափոխման վայրերում, ապա՝ մինչև դրանց բացթողումը կամ Միության մաքսային տարածքից ապրանքների մեկնման համար մաքսային մարմնի թույլտվությունն ստանալը:

ԵԱՏՄ մաքսային օրենսգրքի 99-րդ հոդվածի 2-րդ կետի համաձայն՝ ապրանքների ժամանակավոր պահպանումը կարող է իրականացվել ազատ պահեստի տարածքում, ԱՏԳ տարածքում, ապրանքներն ստացողի շինություններում, պահեստներում, բաց հրապարակներում և այլ տարածքներում, ինչպես նաև սույն Օրենսգրքով կամ անդամ

պետությունների՝ մաքսային կարգավորման վերաբերյալ օրենսդրությամբ սահմանված այլ վայրերում:

<<Մաքսային կարգավորման մասին>> ՀՀ օրենքի 123-րդ հոդվածի 5-րդ կետի համաձայն՝ Հայաստանի Հանրապետության սահմանով տեղափոխվող ապրանքները և տրանսպորտային միջոցները, ըստ մաքսային ընթացակարգերի, մաքսային հսկողության տակ են՝ «Մաքսային տարանցում» մաքսային ընթացակարգի դեպքում՝ Հայաստանի Հանրապետության տարածք ներմուծման պահից մինչև այդ տարածքից արտահանման պահը:

<<Մաքսային կարգավորման մասին>> ՀՀ օրենքի 128-րդ հոդվածի 1-ին մասի համաձայն՝ արգելվում է մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը կամ ոչնչացնելը, ինչպես նաև ապրանքների և տրանսպորտային միջոցների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցները փոխելը:

<<Մաքսային կարգավորման մասին>> ՀՀ օրենքի 154-րդ հոդվածի 4-րդ կետի համաձայն՝ ապրանքներ ստացողը պարտավոր է ապահովել ապրանքների պահպանության համար անհրաժեշտ պայմանները: Ստացողի ժամանակավոր պահպանության պահեստում ապրանքների նկատմամբ գործողություններ կարող են իրականացվել մաքսային մարմինների թույլտվությամբ: ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևավերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 198-րդ հոդվածի համաձայն՝ Մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը, ոչնչացնելը կամ կորցնելը՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի հիսուն տոկոսի չափով:

Համաձայն ՀՀ կենտրոնական բանկի պաշտոնական կայքէջի տվյալների՝ ՀՀ-ում 10.05.2021թ. դրությամբ 1 ԱՄՆ դոլարը կազմել է 522,37 ՀՀ դրամ, այսինքն խախտման հայտնաբերման ժամանակ՝ 10.05.2021թ.-ին, թիվ 05100033/191220/0049150 տարանցման հայտարարագրով 4800 ԱՄՆ դոլարը համարժեք է եղել 2507376 ՀՀ դրամին:

Արման Ավետիսյանը ծանուցվել է գործի քննության վայրի և ժամանակի մասին, սակայն վերջինս չի ներկայացել: Գործի քննությունը կատարվել է նրա բացակայությամբ՝ հիմք ընդունելով ՀՀ մաքսային օրենսգրքի 219-րդ հոդվածի 2-րդ մասը:

Այսպիսով, գործի նյութերով պարզվել է, որ Արման Ավետիսյանի անունով թիվ 05100033/191220/0049150 տարանցման հայտարարագրով ներմուծված և Արմավիրի մարզ, գ.Արտիմետ հասցեում Արման Ավետիսյանին ի պահ հանձնված մաքսային հսկողության ներքո գտնվող 2000 հատ 2507376 ՀՀ դրամ մաքսային արժեքով մեկ օերական հավի ճուղերը վերջինս առանց մաքսային մարմնի թույլտվության ամբողջությամբ հանձնել է, այսինքն՝ վերջինս թույլ է տվել ՀՀ մաքսային օրենսգրքի 198-րդ հոդվածով նախատեսված մաքսային

կանոնների խախտում, ինչը հիմնավորվում է թիվ 05100033/191220/0049150 տարանցման հայտարարագրով, ՀՀ ՊԵԿ 25.12.2020թ. թիվ 05/8-4/81303-2020թ. գրությամբ, 10.05.2021թ. թիվ 243 մաքսային տեսազննման ակտով, Արման Ավետիսյանի կողմից բացատրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 198-րդ հոդվածով, 206-րդ և 221-րդ հոդվածներով,

Ո Ր Ո Շ Ե Ց Ի՝

1.Արման Ավետիսյանին (բնակվող՝ Արմավիրի մարզ, ք.Էջմիածին, Չարենց 19 բն 38 անձնագիր՝ AN0340154) ճանաչել զանցառու ՀՀ մաքսային օրենսգրքի 198-րդ հոդվածով և նրան տուգանել թիվ 05100033/191220/0049150 տարանցման հայտարարագրով ներմուծված 2000 հատ հավի ճտի մաքսային արժեքի 50 տոկոսի չափով՝ 1253688 ՀՀ դրամ: /վճարումը 900005024055 հաշվեհամարին կող 19/:

2.ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից, նույն օրենսգրքի 222-րդ հոդվածի համաձայն՝ վարչական տույժ նշանակելու մասին մաքսային մարմինների որոշումը վերադաս մաքսային մարմին (պաշտոնատար անձին) կարող է բողոքարկվել դա կայացնելուց հետո՝ 10 օրվա ընթացքում, ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ՄՆԱՑԱԿԱՆՅԱՆ